

Allannguutissatut siunnersuut

uunga

**Uunga siunnersuut: Piniarneq aallaaniarnerlu pillugit Inatsisartut inatsisaat**

Pingajussaaneerneqarnissaanut suliarineqartussanngorlugu Naalakkersuisunit saqqummiunneqartoq.

§ 1-mut

**1. § 2, imm. 1, nr. 2 imatut oqaasertaqalissaq:**

”2) biologit siunnersuinerat nalinginnaasoq aamma piniartut atuisullu ilisimasaat pissarsiarineqarsinnaasut naapertorlugit naapertuuttumik ukiullu qanoq ilinera najoqqutaralugu pitsaanerpaamik atorluaanissaq, nalilersuinernilu oqimaaqtigiiissumik naligiissinneqassasut,”

§ 5-imut

**2. § 5, imm. 1, imatut oqaasertaqalissaq:**

”Kalaallit Nunaanni Aalisarsinnaanermut Akuersissutinik Nakkutilliisoqarfiusup nakkutilliinermik oqartussaasutut Inatsisartut inatsisaanni matumani aalajangersakkat malinneqarnersut misissugaralugillu nakkutigisassarai.

§ 7-mut

**3. § 7, imm. 1, nr. 2 ima oqaasertalerneqassaaq:**

”2) Kalaallit Nunaanni aalajangersimasumik najugaqartunut aamma qaammatini kingullerni 24-ni Kalaallit Nunaanni aalajangersimasumik najugaqarsimasunut, taamaattorli takuuk § 10, imm. 1. nr. 1,”

**4. § 7, imm. 1, nr. 3 ima oqaasertalerneqassaaq:**

”3) Kalaallit Nunaannut tamakkiisumik akileraartussaatitaasunut aamma qaammatini ullorsuiteqarfiusuni kingullerni 24-ni Kalaallit Nunaannut tamakkiisumik akileraartussaatitaasimasunut.”

§ 12-imut

**5. § 12, imm. 3-4 ima oqaasertalerneqassapput:**

” *Imm. 3. Imm. 2-mi aalajangersagaq apeqqutaatinngagu aqutsiveqarfimmi pineqartumi pisassiissutit killilersugaanngippata imaluunniit uumasoqatigiiit siaruaassimaffiat kommunini*

arlaqartuniissimassappat aamma aqutsiveqarfinni arlaqartuniissimassappat, qinnuteqareernermermi pissutsini immikkut ittuni inuit aqutsiveqarfimmi allami najugaqartut aqutsiveqarfimmi allami piniarsinnaanerat Aalisarnermut Piniarnermullu Naalakkersuisoqarfip akuerisinnaavaa.

*Imm. 4. Uumasunut pisassiiffiusartunut akuersissutinik akuersissuteqarnernullu agguassinermermi piniutinik angallatinillu pisariaqartunik peqartoqarnissaanik Naalakkersuisut piumasaqaasiorsinnaapput.”*

#### § 13-imut

##### **6. § 13, imm. 7 ima oqaasertalerneqassaaq:**

” *Imm. 7. Piniakkanut killilersukkanut akuersissut aamma inuussutissarsiutigalugu piniarsinnaanermut akuersissuteqarneq piumasaqaateqarfiusinnaavoq, inuk pineqartoq akuersisummik tunniussisoqarnissaa sioqqullugu nunap immikkoortuani aqutsiveqarfiusumi qinnuteqarfigineqartumi minnerpaamik qaamatini pingasuni ataannartumik najugaqarsimanerminut uppernarsaateqassasoq.”*

##### **7. § 13-imi imm. 8 aamma imm. 9, ima ilanngunneqassapput:**

” *Imm. 8. Meeraq aqqaneq-marlunnik ukioqalereersimasoq sulili 15-inik ukioqalersimanngitsoq piniarnermut aallaaniarnermullu peqataasinnaavoq piumasaqaatit tulliiniittut malillugit:*

- 1) Meeraq aallaammik nassataqarsimappat aamma meeqqap igeriarnerani, meeqqap angajoqqaavinit nakkutiginnittumilluunniit allaganngorlugu akuersisummik peqarnikkut, meeqqap angajoqqaavisa, nakkutiginnituata imaluunniit inuup 18-inik ukioqalereersimasup meeraq 1 meterisut qanitsigalugu ilitsersussavaa.
- 2) Aallaasip sulloqportussusia inatsimmi atuutsinneqartoq qaqugukkulluunniit malinneqassaaq.
- 3) Inuk meeqqamik ilitsersuisuusoq, piniarnermut aallaaniarnermullu pineqartumut akuersisummik atuuttumik peqassaaq.

*Imm. 9. Uumasut meeqqamit pisarineqartut imm. 8-mut ilaasut, inummit piniarnerup nalaani meeqqamut ilitsersuisumit pisatut nalunaarsorneqassapput.*

#### § 14-imut

##### **8. § 14-imi, imm. 3 aamma 4, ima ilanngunneqassapput:**

”*Imm. 3. Meeraq aqqaneq-marlunnik ukioqalereersimasoq sulili 15-inik ukioqalersimanngitsoq piniarnermut aallaaniarnermullu peqataasinnaavoq piumasaqaatit tulliiniittut malillugit:*

- 1) Meeraq aallaammik nassataqarsimappat aamma meeqqap igeriarnerani, meeqqap angajoqqaavinit nakkutiginnittumilluunniit allaganngorlugu akuersisummik peqarnikkut, meeqqap angajoqqaavisa, nakkutiginnituata imaluunniit inuup 18-inik ukioqalereersimasup meeraq 1 meterisut qanitsigalugu ilitsersussavaa.

2) Aallaasip sulloqqortussusia inatsimmi atuutsinneqartoq qaqugukkulluunniit malinneqassaaq.

3) Inuk meeqqamik ilitsersuisuusoq, piniarnermut aallaaniarnermullu pineqartumut akuersissummik atuuttumik peqassaaq.

*Imm. 4.* Uumasut meeqqamit pisarineqartut imm. 3-mut ilaasut, inummit piniarnerup nalaani meeqqamut ilitsersuisumit pisatut nalunaarsorneqassapput.

#### § 19-imut

**9.** § 19 aamma immikkoortumut qulequtaq pineqartoq peerneqarpoq.

#### § 25-mut

**10.** § 25, imm. 2 ima oqaasertalerneqassaaq:

“*Imm. 2.* Ataatsimoorluni piniarnermut atatillugu peqatigiiffit kattuffillu ataatsimoorluni piniarnermut aqutsisussamik toqqaasinnaanissaannik Naalakkersuisut pisinnaatitsisinnaapput.”

#### § 26-imut

**11.** § 26, imm. 2 ima oqaasertalerneqassaaq:

“*Imm. 2.* Uumasunik piniakkanik aalajangiiniarnermi toqunartut, nammineq seqqortussiat, kiisartut, nigarsiniutit teknikkikkulluunniit atortut allat atornissaat inerteqqutaavoq. Tamannali piniakkanut imaaniittunut atuutinngilaq, taakku unaaq tuukkartalik imaluunniit atortulersuut assingusoq atorlugu aalajangersorneqaqquaammata kiisalu puisinniarnermut aamma qilalukkanik qaqrutanik qernertanillu piniarnermut qassutit atoqquaammata.”

#### § 34-mut

**12.** § 34, imm. 1-2 ima oqaasertalerneqassapput:

” **§ 34.** Kattuffinniit suliffeqarfinniillu, piniarnermut aallaaniarnermullu akuusartunik, inuttaqartumik Piniarneq pillugu Siunnersuisoqatigiinnik Naalakkersuisut pilersitsissapput. *Imm. 2.* Piniarneq pillugu Siunnersuisoqatigiit katitigaanerat ilaasortaasullu amerlassusissaat pillugit maleruagassanik Naalakkersuisut aalajangersaassapput.”

#### § 40-imut

**13.** § 40, imm. 1, ima oqaasertalerneqassaaq:

“Makku pissutigalugit akiliisitsinermik kinguneqarsinnaapput:

1) § 6, imm. 1, § 12, imm. 1, § 13, imm. 7-9, § 14, imm. 3-4, § 16, imm. 1 aamma 2, § 22, § 23, imm. 1-4, aamma 6-7, § 24, imm. 3, § 25, imm. 4, § 26, imm. 1-3 aamma imm. 6, § 30, imm. 2, aamma § 31, § 32, imm. 1, 3 aamma 4, § 33, imm. 2, aamma § 41, imm. 2, aamma

maligassanik § 15, imm. 1, § 16, imm. 4, §§-it 17-21, § 24, imm. 4 aamma 5, § 25, imm. 1, § 26, imm. 4, 5, aamma 7, § 28, imm. 2, § 29, § 30, imm. 1, § 32, imm. 5, § 36, imm. 2, aamma § 39 naapertorlugit aalajangersarneqarsimasunik unioqqutitsinerit.

2) § 35, imm. 1-3, § 36, imm. 1, § 37, aamma § 46 malillugit peqqusissummik nalunaarutigineqarsimasumik malinninnginnerit, kiisalu § 37 malillugu inerteqqusissummik nalunaarutigineqarsimasumik unioqqutitsinerit,

3) Inatsisartut inatsisaat naapertorlugu akuersissuteqarnermut, taassuma ataani immikkut akuersissuteqarnerit, Inatsisartut inatsisaat malillugu maleruagassat atuutilersinneqarsimasut ilaginnarneqarpata, aamma

4) Inatsisartut inatsisaanni piumasarineqartunik imaluunniit Inatsisartut inatsisaat malillugu maleruagassat atuutilersinneqarsimasut naapertorlugit pisortanut oqartussaasunut equnngitsunik paatsuungatitsisinaasunilluunniit paasissutissiisoqarpat, pisortanut oqartussaasunut pisussaaffik malillugu paasissutissiisoqanngippat, aamma

5) § 38 malillugu nakkutilliinermi oqartussanik isertitsinngitsoq.”

#### § 48-mut

#### 14. § 48, imm. 1 ima oqaasertalerneqassaaq:

“Inatsisartut inatsisaat juulip aallaqqaataani 2023-mi atortuulissaq.”

Allannguutissatut siunnersuummut nassuaatit

#### Nassuaatit nalinginnaasut

Piniarneq aallaaniarnerlu pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut inatsisilerinermi teknikikkut misissoreerneratigut naqqiuteqarfingineqarnissaa siunnersuutigineqarpoq, tassami siunnersuummi §§-t 5 aamma 12 inatsisilerinermi teknikikkut naapertuutinngitsut malugineqarmat. Qallunaatut kalaallisullu oqaasertalerneqarneri ilaatigut assigiinngissuseqarput. Taamaalilluni allannguutissatut siunnersuummi siunnersuutip aalajangersagartaasa oqaatsit marluk atorneqartut eqqortumik oqaasertalerneqarnissaat siunertaavoq.

§ 2-mi siunnersuutigineqarpoq biologit inassuteqaataat kiisalu piniartut atuisullu ilisimasaasa nalilersuinerni oqimaaqatigiissumik naligiissinneqarnissaat.

Tamatuma saniatigut meeqqanut aqqaneq-marluleereersimasut sulili 15-liisimanngitsut angajoqqaanit, nakkutiginnittumik imaluunniit 18-t sinnerlugit ukioqalereersimasumik ingiaqateqarlutik uumasunik pisassiissutaasartunik piniarnermut aallaaniarnermullu periarfissaqarnissaat siunnersuutigineqarpoq (Perngarneq).

Aammattaaq siunnersuutigineqarpoq § 19 aallaaniarsinnaanermut misilitsinnermut tunngasoq peerneqassasoq.

Kiisalu siunnersuutigineqarluni atuutilersitsinermut ullua nalimmassarneqassasoq, taamaasilluni Inatsisartut inatsisaat siunertarineqanngitsumik piffissamut qaangiutereersumut atuutsinnissaa, inatsisissamut siunnersuutip aappasaarneqarnerata pingajussaardeqarneratalu upernaakkut ataatsimiinnermi 2022-miit maannakkut katersuunnermut kinguartinneqarneratigut.

Siunnersummi § 19-p peerneqarneratigut allannguutissatut siunnersuut allanik aningaasatigut allaffissornikkulluunniit pisortanut kinguneqassanngilaq, aallaaniarsinnaanermut misilitsinnissap pilersinnissaa ingerlanneqarneralu eqqarsaatigalugit.

Allannguutissatut siunnersuut taassuma saniatigut allaffissornikkut imaluunniit aningaasaqarniarnermut kinguneqanngilaq.

#### **Allannguutissatut siunnersummi aalajangersakkanut ataasiakkaanut nassuaatit**

##### Nr. 1-imut

Siunnersuutigineqarpoq biologit inassuteqaataat aamma piniartut atuisullu ilisimasaasa nalilersuinerit ingerlaneranni naligiissinneqassasut.

##### Nr. 2-imut

Allannguut teknikikkut naqqiissutaavoq, tassami Kalaallit Nunaanni Aalisarsinnaanermik Akuersissutinik Nakkutilliisoqarfiiup Inatsisartut inatsisaat tamakkerlugu malinnejarnersoq nakkutigisarimmagu, taamaallaallu Inatsisartut inatsisaanni kapitali 7-mi aalajangersakkat pinnagit.

##### Nr. 3-mut

§ 7, imm. 1, nr. 2)-mut

Inatsisissatut siunnersummi kalaallisoortaani allannguut naqqiissutaavoq.

##### Nr. 4-mut

§ 7, imm. 1, nr. 3)-mut

Inatsisissatut siunnersummi kalaallisoortaani allannguut naqqiissutaavoq.

##### Nr. 5-mut

§ 12, imm. 3-4-mut

Inatsisissatut siunnersummi kalaallisoortaani allannguut naqqiissutaavoq.

## Nr. 6-imut

§ 13, imm. 7-mut

Inatsisisatut siunnersummi kalaallisoortaani allannguut naqqiissutaavoq.

## Nr. 7-imut

Imm. 8-mut

Meeqqat 12-it aamma 15-it akornanni ukiullit suli piniariarsinnaanissaat aallaaniarsinnaanissaallu isumannaarumallugu, imm. 3-mi taanna periarfissaalerpoq, inersimasumik piniartumik ilaqluni piniarnermut aallaaniarnermullu peqataanissamut piumasaqaatit nr. 1-3-miittut matumani eqquutsinnejarsimappata.

Nr. 1

Meeraq ilaquuttaminik 18-inik ukioqalereersimasumik ilaqluni piniariarnerorusuttarpoq. Meeqqamut angajoqqaajusoq imaluunniit akisussaatitaasoq pineqanngippat, piniarnerup aallaaniarnerullu nalaani meeqqap angajoqqaavisa imaluunniit akisussaatitaasup inuk 18-inik ukiilik meeqqamut ilitsersuisuunissaanut allaganngorlugu akuersissummik tunissavaat. Meeraq aallaammik timmiarsiummilluunniit nammatassaminik aallaaniutissaminilluunniit tigusaqarsimappat, angajoqqaajusoq, akisussaatitaasoq imaluunniit alla ilitsersuisoq 1 meterimik qaninnerusumiissaq.

Nr. 2

Tassani aallaasit sulloqqortussusia pillugit malittarisassanik erseqqinnerusumik Namminersorlutik Oqartussat nalunaarutaanni piumasaqaatitalerneqarput. Meeqqamik ilitsersuussisup eqqanaassavaa aallaasip sulloqqortussusitaa inatsisitigut atoqquaasut eqortuunissaa, taamaasillunilu malittarisassani atuuttuni piniakkamut pineqartumut sulloqqortussutsimut minnerpaaffiliinikkut atoqquaasumut naapertuuttuunissaa.

Taassuma saniatigut meeqqamik ilitsersuussisup eqqanaartariaqarpaa, aallaasip sulloqqortussusitaa meeqqap ukiuanut pisinnaasaanullu naleqquttuunissaa, kiisalu eqqanaarlugu meeraq pisariaqanngitsumik sakkortuallaamik aallaasip torsineranit eqortinnginnissaa. Imatut paasillugu meeraq sakkumik angivallaartumik tunineqassanngitsoq malittarisassani aalajangersakkanut sanilliullugu.

Nr. 3

Inuk meeqqamut ilitsersuisuusoq, angajoqqaajusoq, akisussaasuuusoq imaluunniit inersimasoq akisussaatitaasoq, nammineerluni uumasumik piniarneqartumik aallaanninnissamut aamma uumasut pisassiiffiusartut pineqarpata assersuutigalugu tuttunik nujuartanik piniarnissamut akuersissummik peqartussaavoq.

Imm. 9-mut

Imm. 8 naapertorlugu inersimasumik ilitsersuisoqarluni uumasut pisarineqartut, inersimasup piniarnermut allagartaani akuersissummilu pigisinnaasaani nalunaarsorneqassapput. Eqqortumik pisat nalunaarsorneqarnissaat inersimasup ilitsersuisup akisussaaffigaa. Uumasut pisassiiffiusartut pineqarsimappata, inersimasup ilitsersuisup pisarisinnaasaasa amerlassusiannit uumasut pisat ilanngaatigineqassapput.

#### Nr. 8-mut

Imm. 3-mut

Meeqqat 12-it aamma 15-it akornanni ukiullit suli piniariarsinnaanissaat aallaaniarsinnaanissaallu isumannaarumallugu, imm. 3-mi tamanna periarfissaalerpoq, inersimasumik piniartumik ilaqluni piniarnermut aallaaniarnermullu peqataanissamut piumasaqaatit nr. 1-3-miittut matumani eqquutsinnejqarsimappata.

#### Nr. 1

Meeraq ilaquuttaminik 18-inik ukioqalereersimasumik ilaqluni piniariakkajunnerusarpoq. Meeqqamut angajoqqaajusoq imaluunniit akisussaatitaasoq pineqanngippat, piniarnerup aallaaniarnerullu nalaani meeqqap angajoqqaavisa imaluunniit akisussaatitaasup inuk 18-inik ukioqalereersimasoq meeqqamut ilitsersuisuunissaanut allaganngorlugu akuersissummik tunissavaat. Meeraq aallaammik timmiarsiummilluunniit nammadassaminik aallaaniutissaminilluunniit tigusaqarsimappat, angajoqqaajusoq, akisussaatitaasoq imaluunniit ilitsersuisoq alla meterimik ataatsimik qaninnerusumiissaq.

#### Nr. 2

Tassani aallaasit sulloqqortussusii pillugit malittarisassanik erseqqinnerusumik Namminersorlutik Oqartussat nalunaarutaanni piumasaqaatitalerneqarput. Meeqqamik ilitsersuussisup eqqanaassavaa aallaasip sulloqqortussusitaa inatsisitigut atoqqusaasut eqortuunissaa, taamaasillunilu malittarisassani atuuttuni piniakkamut pineqartumut aallaasip sulloqqortussusitaa atoqqusaasumut naapertuuttuunissaa.

Taassuma saniatigut meeqqamik ilitsersuussisup eqqanaartariaqarpaa, aallaasip sulloqqortussusitaa meeqqap ukiuanut pisinnaasaanullu naleqquttuunissaa kiisalu eqanaarlugu meeraq pisariaqanngitsumik sakkortuallaamik aallaasip torsineranit eqortinnginnissaa. Imatut paasillugu meeraq sakkumik angivallaartumik tunineqassanngitsoq malittarisassani aalajangersakkanut sanilliullugu.

#### Nr. 3

Inuk meeqqamut ilitsersuisuusoq, angajoqqaajusoq, akisussaasuuusoq imaluunniit inersimasoq akisussaatitaasoq, nammineerluni uumasumik piniarneqartumik aallaanninnissamut aamma uumasut pisassiiffiusartut pineqarpata assersuutigalugu tuttunik nujuartanik piniarnissamut akuersissummik peqassaaq.

#### Imm. 4-mut

Imm. 3 naapertorlugu inersimasumik ilitsersuisoqarluni uumasut pisarineqartut, inersimasup piniarnermut allagartaani akuersisummilu pigisinnaasaani nalunaarsorneqassapput. Eqqortumik pisat nalunaarsorneqarnissaat inersimasup ilitsersuisup akisussaaffigaa. Uumasut pisassiiffiusartut pineqarsimappata, inersimasup ilitsersuisup pisarisinnaasaasa amerlassusiannit uumasut pisat ilanngaatigineqassapput.

Nr. 9-imut

Aalajangersagaq siunnersummiit peerneqarpoq.

Nr. 10-mut

§ 25, imm. 2

Inatsisisstatut siunnersummi kalaallisoortaani allannguut naqqiissutaavoq.

Nr. 11-mut

§ 26, imm. 2

Inatsisisstatut siunnersummi kalaallisoortaani allannguut naqqiissutaavoq.

Nr. 12-imut

§ 34, imm. 1 aamma 2

Inatsisisstatut siunnersummi kalaallisoortaani allannguut naqqiissutaavoq.

Nr. 13-imut

Imm. 1-imut

Allannguut inatsiseqarnikkut teknikimut tunngasumik § 13, imm. 8-mik aamma imm. 9-mik kiisalu § 14, imm. 3-mik aamma imm. 4-mik ilangussisoqarneratigut malitsigisaanik naqqiissutaavoq.

Nr. 14-imut

Siunnersuitigineqarpoq, Inatsisartut inatsisaat juulip aallaqqaataani 2023 atuutilersinneqassasoq.